

A D

Augustissimum, Invictissimumque

*Magne Britannie, &c.*  $\frac{1070. m 1}{4}$

REGEM,  
Gulielmum III.

D E

Pace nuper inter ipsum & Regem  
*GALLORUM* foeliciter  
facta & constabilita.


Carmen Triumphale.

---

Autore *GULIELMO HOGÆO.* *K.*

---

*Londini, Typis F. Collins, 1697.*



A D

Augustissimum, Inviētissimumque

Magnæ Britanniaë,&c.

R E G E M,

GULIELMUM III.

*Rex Augustissime,*

**T**O T veræ tuæ sunt Virtutes, tot vera Merita, tanta vera Gloria, ut falsis tibi adblandiri & adulari titulis neutiquam sit necessarium. Pietas tua in Deum, Misericordia in Inimicos, constantia in Causa bona defendenda, omnibus bonis te carum, amabilem, & venerabilem efficiunt. Atque utinam *Buchanani* anima, quæ cum Christo est in superno Paradiso,

*Epistola Dedicatoria.*

nunc è Coelo Empyræo, si fati lege  
concederetur, in terram remearet,  
ut te *Magnæ Britanniae* columen, *Hol-*  
*landiae* Patriæ tuæ Patrem, decus &  
Gloriam, Fidei & Ecclesiæ Christi-  
anæ Defensorem, totius *Europæ*,  
quinimò universi terrarum orbis  
miraculum, dignis te carminibus  
celebraret. Ego fortasse multis vi-  
deor laudes tuas culpa detrivisse in-  
genii: sed, ut Christus laudavit libe-  
ralem viduæ egenæ animum, quæ  
*δύο λείπεται* in gazophylacium injicerat,  
Et approbavit benevolentiam fœ-  
minæ, quæ caput ipsius unguento  
pretioso perunxit, pedes lavit la-  
carymis, absterfit comis; quia fecit  
quod potuit. Tu, Jesu Christi Salva-  
toris nostri benedicti imitator, quan-  
doquidem quo potui carmine tuas  
laudes celebra, vi hoc mei in te amo-  
ris, obsequii, & reverentiæ testimo-  
nium benignè acceptare digneris.  
Quod



*Epistola Dedicatoria.*

Quod nisi te Deus Omnipotens excitasset ad coërcendam impiorum Dei hostium crudelitatem, Protestantes vel ad Papismum defecissent, vel Papistarum facti fuissent mancipia, vel, ut olim Lutetiæ *Parisiorum* & in *Hybernia* contigit, subita laniena plusquam *Dioclesiana* multa hominum millia fuissent interfecta: sed ut *Israelitæ* fuerunt ab *Egyptiaca* servitute liberati per *Mosem* à Deo excitatum, *Judei* à *Babylonica* per *Cyrum*, sic *Britanni* per te à Deo excitatum, ab immanissima tyrannide ac Servitute fuerunt liberati.

Et nunc tua Prudentia, Fortitudine, Virtute, & Mansuetudine, tota *Europa* jam jam bellis conflagratu-  
ra, pristinam libertatem & tranquillitatem recuperavit. Præterea effrænem multorum hominum *Cainiticorum* impotentiam Imperii tui Majestate coërcuisti, qui etiam si  
in

*Epistola Dedicatoria.*

ipſi Proteſtantium nomine glorien-  
tur, tamen in alios Proteſtantes à ſe  
in minutiffima ceremoniâ diſſenti-  
entes inhumaniter graſſabantur &  
ſæviebant: Quid ergo tibi omnes  
boni optant & precantur? Diutur-  
nam in hoc Mundo vitam ac fœ-  
licem tranſigas, & mortali tuâ vita  
peractâ, immarceſſibili vitæ ſempi-  
ternæ corona decoratus effloref-  
cas.

*R E X invictiſſime,*

*Ego ſum Regiæ Majeſtatis tuæ*

*Servus ac Subditus*

*obſequentiſſimus*

*Gulielmus Hogæus.*

A D

Augustissimum, Inviētissimumque

Magnæ Britannia, &amp;c.

R E G E M,

Gulielmum III.

D E

Pace inter Ipsum & Regem *Gallorum*  
 nuper magno cum *Universæ Eu-*  
*ropæ* Gaudia foeliciter facta &  
 constabilita.

Θριαμβεύπων.

**I** L L E ego qui victam cecini paulò ante  
*Namuram,*

Dum fera bella tonant humanæ prodiga vitæ,  
 Tympana dum latè trepidas crepitantia terras  
 Personuere, novos causa in meliore triumphos  
 Nunc

Nunc celebros, quia læta novæ victoria Pacis  
 Sub pedibus fera bella premit, martemque coërcet  
 Sanguineum, blandamque dedit post bella quietem,  
 Atque per innumeras spargit sua gaudia terras.

O quam dulce meas resonat Pax alma per aures!  
 Fama per æquoreas cithara quam dulcior undas  
 Attulit, atque hominum trepidantia corda levavit.  
 Terra *Britanna* novis, age nuncce, decorata trophæis  
 Exulta, vigilate virum nuumque catervæ  
 Atque hilari meritis animo celebrate choræas.  
 Lætitæ nova causa oritur, nova causa triumph  
 Omnia regna trahit sub utroque jacentia Phœbo.  
 Nuper ut unum aderat quippe & commune periculum,  
 Sic nunc una salus peperit communia latè  
 Gaudia ad occiduas ab Eöo margine lymphas.  
 Tota simul-geminis te *Europa* amplectitur ulnis,  
 Applaudens, *Gulielme*, tibi, Rex optime regum,  
 Quotquot ubique sacro cingunt diademate crinem.  
 Inter enim innumeros per te Pax alma sequestrum  
 Sceptri-

Sceptrigeros cojit : Sanctæ jam *Roma Geneva*  
 Conciliata truces posuit foeliciter iras,  
 Cunctaque nunc odii sepelivit signa vetusti.  
 Sic Lupus innocuus placido comes astitit agno,  
 Threicia resonante lyra, leporique molossus  
 Accubuit, rabidum timuit nec dama leonem.  
 Nunc igitur celebres age, *Calvinista* triumphos.  
 Non carcer, legumque minæ, duræque triremes  
 Nunc tibi terror erunt : Populos *Lodoicus* amicum  
 Accipit in vestros animum, mentemque benignam.  
 Tu quoque, quam Valdi venerabile nomen adoptat,  
 Aurea Progenies animis lætare resumptis,  
 Conciliatur enim vestris Dux ipse catervis.  
 Nec Pietatis erunt posthæc tibi præmia diræ  
 Terribilis tortura rotæ, nec Sanguine vivo  
 Fervida flamma, cruces, virgæ, rigidæque secures.  
 Dulce decus *Batawum*, decus ô *Gulielme, Britannum*,  
 Hæc meritis debere tuis formosa fatetur  
*Gallia*, in horridulos surgensque Sabaudia mentes.

Præsidium, fortuna, falus, tutela piorum.  
 Te penes, in te omnis domus inclinata recumbit.  
 Jam Satanas Stygio est vinclis innexus Averno,  
 Et frustra è regidis luctatur colla catenis  
 Extrahere, at Pietas rursus exhilarata triumphat  
 Læticia, clarumque caput super æthera tollit,  
 Impietasque suum tenebris tegit obruta vultum.  
 Quis numeret, Lybicas numero nisi prenda arenas  
 Commoda quanta ferat totum Pax alma per Orbem?  
 Carpe viator iter, vectorque immune pericli.  
 Sive quis æquoreos ad eas jam, *Galle, Britannos,*  
 Sive, *Britanne* avidus sis *Gallica* regna videndi,  
 Utraque tuta Via est, evanuit omne periculum.  
 Hostilis furor omnis abit, nam nunc *Lodoicum*  
 Magnanimus *Gulielmus* amat, neq; nunc minus illum  
 Magnanimus *Lodoicus* amat, mihi pectora palpent  
 Gaudia, quod *Gulielme* tibi *Lodoicus* adhæret,  
 Junctus amicitiae Sociali foedere firmæ.  
 Magnum ô par hominum, quorum fortuna ministrat  
 Motibus



Motibus, & quorum fatis Cœlum omne vacavit !  
 Qui dum bella gerunt, bello simul integer Orbis.  
 Arsit, at in placidæ coiêre ut fœdera pacis  
 Hi duo, pax iterum totum renovata per Orbem  
 Oppida læta facit, rurisque oblectat alumnos.  
 Qualiter auricomum fuscant ubi lurida Phœbum  
 Nubila, tota simul vastæ quoque Machina terræ  
 Mæsta horret, piceum torpet caligine Cœlum  
 Ast ubi jam nebulis facies Phœbæa remotis  
 Fulget, ubique suæ radiantia lumina flammæ  
 Diffundens hilarat pariter Mare, Sydera, Terram.  
 Sic ex his pariter sua gaudia læta duobus,  
 Suspenduntque suas. Mundi regna omnia curas.  
 Vivat uterque, precor, fœlix, dua splendida mundi  
 Lumina, suppositas quæ illustrant undique terras.  
 Jam neque vectori innocuo, nec retia nautis  
 Ulla dolum meditantur, agit nunc otia pontus.  
 Nunc abiit Pirata rapax, abiêre latrones,  
 Undique qui insidias per Spumea regna parabant.

Scindite puppe cava pelagus, liquidasque per æquor  
 Ite, redite vias securo pectore nautæ,  
 Dulcis ubique suas nam Pax exporrigit alas,  
 Et nunc innumeræ gentes, ubi bella fremebant,  
 Pristina compositis renovant commercia bellis.  
 Jam neque Sulphureis volitant resonantia flammis  
 Ferrea tela, cavi passim quæ effudit aheni  
 Æstus atrox, strictisve seges mucronibus horret  
 Ærea, nec *Flandros* latè dispersa per agros  
 Corpora cæsa jacent, permisti & cæde virorum  
 Semianimes volvuntur equi. Pax alma redivit,  
 Sævæque terrisoni requiæunt murmura belli.  
 Jam filvit stridor lituum, clangorque tubarum,  
 Nec trepidas gemitus morientum territat aures,  
 Atque oculos madidum crudeli vulnere ferrum.  
 Pax rediit, pax alma redux per rura, per urbes  
 Tristitiæ nubes abigit, querulumque dolorem,  
 Et loca cuncta facit læto resonare tumultu.  
 Vos qui pauperiem gemitis, quos urget egestas,

Res angusta domi quibus anxia pectora vexat,  
 Rursum alacres animos, hilarémque resumite vultum.  
 Confestim exorientur opes, quæ incommoda possint  
 Pellere dura famis ; prisci *Solomontis* ut *Ævo*  
 Argentum innumeros lapidum exæquavit acervos,  
 Nunc quoque post belli horrifoni fera prælia, nostro  
 Sub *Solomonte* novo, nummorum copia surget,  
 Copia, littoream numero quæ vincat arenam.  
 Quid ? quod opes sunt pacis opus, pax prosperat  
 Urbes,

Pax etiam fœcundat agros, & munere pacis  
 Bos sub aratra venit, sub ~~terris~~ semen aratas.  
 Pax etiam jucunda facit, ne sævus ubique  
 Luctus, ubique pavor, & plurima mortis imago  
 Terrificent animos : cadat ipso in flore juvenus,  
 Anticipent sua fata senes, & ab ubere rapti  
 Infantes tenero conspergant saxa cerebro.  
 Et desolatas rarissimus incola terras  
 Possideat, truncæque manus, truncique lacerti

Hic jaceant, alibique caput vel crura, fluantque  
 Undique Sanguineis plateæque & compita rivis.  
 Neve aliena ferox devastet prædia miles,  
 Et pariter magnas opulenti divitis ædes,  
 Pauperis & tugurî congestum cespite culmen,  
 Pro libitu populetur atrox, pellâtque colonum,  
 Aut maculet miseros dominorum cæde penates.

O quam dulce meas sonuit vox illa per aures,  
 Pax rediit! *Gulielme*, tibi nunc pectore læto  
 Terra *Britanna* simul dulcisque *Hollandia* plaudunt,  
 Concelebrântque novis sua gaudia læta triumphis.  
 Ac *Lodoice* tuæ figunt gaudentia dextræ.  
 Oscula tota tui Imperio gens subdita Sceptri.  
 Jam cum belligeris jucundum *Scotia* Gallis,  
 Fœdus amicitiae gestit renovare vetustæ,  
 Antiquusque novam favor hic supereminet iram.  
*Anglia* sueta suas *Gallorum* onerare carinas  
 Mercibus innumeris, *Anglorum* & *Gallia* nummis  
 Sæpe resecta, novos simul hæc atque, illa triumphos  
 Con-

Concelebrant, plausúque sonant fremitúq; secundo,  
 Alternámque bibunt per dulcia vina salutem.  
 Pristina quod positis renovant commercia bellis,  
 Queis nunquā vacua ære domum sibi dextra redibat.  
 Quis pacis bona tanta bonæ non diligit? Et quis  
 Bellum odio non prosequitur, bellique labores  
 Pestiferi, quod circum atræ formidinis ora  
 Iræque insidiæque, ferox comitatus aguntur?  
 Sed cui præcipuam justum est adscribere laudem  
 Pacis? ab Æthereo certè hæc descendit Olympo.  
 Nunc igitur lætis animis, Pater optime rerum,  
 Te canimus, ferimúsque tuum super æthera nomen.  
 Pax etenim, te Autore, redit, totumque per Orbem  
 Gaudia læta parit: tu celsi è vertice mundi  
 Respexti miseros: tibi laus, tibi gloria prima est  
 Debita qui nostri *Gulielmum* tempore sæcli  
 Extuleras, tutela piis, terrórque scelestis  
 Ut fieret, traherétque tuum de fauce Popellum  
 Exitii, dum Turca ferox, dum Papa cruentus  
 Horribili

Horribili tonat ore furens, stragémque minatur.  
 Ut tua magnanimi tetigit cum pectora *Cyri*  
 Dexterâ, mox genti *Isacidâm* sua reddidit arra,  
 Et juga captivo excussit *Babylonia* collo.  
 Urque iisdem genitos à Patribus ante, Tyranni  
 Dum *Pharii* furox ardet atrox, te præfide, *Moses*  
 Præstitit incolumes, medióque ex hoste reduxit.  
 Sic turba horrificas *Stygia* meditante ruinas,  
 Impulsu, Deus alme, tuo se ostendit in armis  
 Auriaca fatus ille domo fortissimus Heros.  
 Et cum triste jugum imposuit *Papana* tyrannis,  
 Tunc *Cyrus* fuit ille novus, *Mosésve* *Britannis*  
 Ut cum *Luna* suum radiis solaribus *Orbem*  
 Supposuit, mortale genus terrore stupefcit,  
 Donec ab oppositu *Lampas Phœbæa* Sororis  
 Libera facta, diem solito fulgore reducit,  
 Et terram tenebris, homines formidine solvit.  
 Sic ubi *Papicolâm* passim sine vindice vulgus  
 Grassatum est, *Albionias* ut *Akeldama* terras  
 Redderet,



Redderet, atque iterum Marianis ignibus uri  
 Cogeret innocuos, Christo nisi Papa negato  
 Imperet, horror atrox homines se fudit in omnes,  
 Et nox omne caput tristi circumstetit umbra.  
 At pater ille deum ut *Batava* te stirpe creatum  
 Erigit, atque tibi vires animosque ministrat,  
 Horror abit, nox atra fugit, lux alma redivit,  
 Et cito papicolæ latebras petière catervæ.  
 Post, ubi sanguinei sonitus fremit undique belli,  
 Consiliis armisque tuis pax reddita mundo est  
 Et furor, ira ferox, trepidoque infania vultu  
 Diriguit, ferrumque manu torpente remisit,  
 Cunctaque paciferam regna amplectuntur Olivam.  
 Tisiphone Stygii tenebras remeavit in Orci,  
 Sævæque sanguineum gestans Bellona flagellum.  
 In quarum rediere locum spes, gratia, virtus,  
 Libertas, Astræa, fides, Cœlo edita proles.  
 Talem *Davidici* læto in moderamine nati  
 Vitam egere homines; terram & numerosa per om-  
 nem C *Isa-*

*Ifacidum* gens quisque sua sub vite sedebant  
 Suaviter, horrissoni procul à terrore duelli.  
 Haud secus æstiferi post mille pericula ponti  
 Optata pavidi ut nautæ potiuntur arena,  
 Exultant, epulâsque parant & vina profundunt,  
 Puppibus & gaudent læti imposuisse coronas.  
 Nunc ego multa novæ recolo dum gaudia Pacis,  
 Virtutes reticere tuas mea Musa recusat  
*Pembrokia* venerande Comes, Legate *Britannæ*  
 Gentis, ab excelso genorosa sanguine stirpis  
 Edite, nobilium flos illibate virorum.  
 Tu lingua fera bella domas, tu in pacis amorem  
 Attrahis attonitos vocum dulcedine Gallos,  
 Colloquiisque tui clavum pax alma secuta est,  
 Blandâque dissidiis rediit concordia pulsis.  
 Vitis ut arboribus decori est, ut vitibus uvæ,  
 Ut gregibus tauri, segetes ut pinguibus arvis,  
 Tu decori es populis, Comes ô præclare, *Britannis*.  
 Nec, *Dicvelde*, minor *Batavorum* es gloria, verbis

Consiliisque tuis, regio dulcissima mundi,  
 Fecit honorificam cum *Gallo Hollandia* pacem.  
 Jure utrique viro dignas jam dicere laudes  
 Terra *Britanna* simul simul alma *Hollandia* gestit.  
 Ille *Anglæ* telluris honos, proavumque suorum est,  
 Hic *Batavum* celsò genitus de sanguine, Patres  
 Vincit, & est *Batava* decus admirabile terræ,  
 Quale manus addunt ebori decus, aut ubi flavo  
 Argentum pariùve lapis circumdatur auro.  
 O pulchra in mediis *Hollandia* consita Lymphis,  
 Per rura arboribus, & gramine picta virenti,  
 Pérque urbes domibus latè decorata superbis !  
 Quæ tibi non totum superatur terra per orbem,  
 Fructiferi bonitate soli, Cœlique salubris ?  
 Tu celebres sæcunda viros, & Marte togâque  
 Eximios, etiâque genus mortale dearum,  
 Tu paris, an nemora & sylvas liquère vetustas  
*Najades*, ut *Batavas* habitent loca dulcia terras ?  
 Hæc autem innumeras inter celeberrima laudes

Splendet, ut in rutilo nitidissima gemma metallo,  
 Quod mundo dederis præclarum Heroa, *Britannum*  
 Qui diadema gerit, cujus celebrantur ubique  
 Facta per attonitum latè effulgentia mundum.  
 En quoscunque duces vel narrat fama vel audet  
 Fabula, longævis vel credunt sæcula fastis,  
 Unicus ille alios longè supereminet omnes.  
*Cæsar*, in *Emathiis* victor qui evaserat arvis,  
 Magnus *Alexander* totum sibi pœne per Orbem  
 Qui gladio patefecit iter, *Carthaginiæ* altæ  
*Scipio* perdomitor, *Curius*, fortisque *Camillus*  
*Inferius*, *Gulielme* tuis hi laudibus omnes  
 Nomen habent ; virtus erat his pietate remota,  
 In te una pietas coit & mavortia virtus,  
 Hi vanos coluere Deos, tu numen adoras  
 Ætheris, humanos hi perdomuere furores,  
 Tu Satanam & Stygij robur simul omne barathri  
 Prostratum pede pressisti, atque idola fugasti  
 Dira, salutiferi defenso lumine veri,

Dum flammis gladiisq; minax se armabat *Erinnys*.  
 Sic *Pelusiaci* gens sæva atque aspera regni  
 Ducere quadrijugos multo cum milite currus  
 Cœpit, ut *Isacidas* profugos comprehendat, at illi,  
 Patre Deo monstrante viam, data fata secuti,  
 Tutum iter æquoreas mox invenère per undas.  
 Hæc tua fama poli radiantia Sydera lambit,  
 Diffunditque tuum latè in regna omnia nomen,  
 Majorémque tibi laudem parit undique, terris  
 Hesperius domitos quam si conjunxeris *Indos*.  
 Ac velut Austrinis populi Regina *Sabæi*  
 Sedibus exierat, magnum ut *Solomonta* videret,  
 Cujus ad extremas penetravit gloria terras:  
 Sic quoque *Moscorum* qui nunc dominatur in oris,  
 Et justis regit imperiis tam ingentia regna,  
 Quam Longum est emensus iter, te ut cernere co-  
 ram,  
 Virtutúmque oculos testes adhibere tuarum  
 Posset? at ille suam longè has transcendere famam  
 Vidit,

Vidit, & altiloquæ celebravit acumine linguæ :

Jessiade peregrina satum ut Regina stupebat,

Et supra ire suos meritis dicebat honores.

Tu quia susceptam Christi defendere causam

Impavido perstas animo, tibi Christus ubique

Dexter adest, semperque sui munimine scuti

Præstat in innumeris tutum incolumemque periclis.

Ille tibi, quocunque mox vestigia, semper

Invigilat, ne fraude scelus, ne robur aperte

Exitium tibi triste ferat, subitamque ruinam.

O quoties circum caput & latus ivit utrumque

Ferrea grando, sacram metuens violare coronam ?

Quot vani cecidere doli ? quot nocte dieque

Retia structa tuam nequiere excindere vitam ?

Mille inter mortes sospes tibi vita remansit,

Te super usque suas quoniam ille expanderat alas.

Nunc idem tibi tutor adest, salvumque reducit,

Cum plausu fremituq; virum nuruumque secundo.

Adspicis aërios liquido cum gurgite ventos



Adventu gaudere tuo? tibi flumina pandunt  
 Cæruleos Thameſina ſinus, placidóque recurſu  
 Convolvunt tremulas Euris ſœlicibus undas.

Aspiciſ innumeras Thameſin circumdare turmas,  
 Ut tibi grarentur reduci, lætiſque ſalutent  
 Plauſibus, ætherio ceu ſis demiffus Olympo?  
 Nec tantum, *Gulielme*, tibi, juſtiſſime regum,  
 Terra *Britanna* ſimul, ſimul alma *Hollandia* plau-  
 dunt,

Lætitiaque ſuæ manifeſtant ſigna, ſed omnis  
 Ante tuos *Europa* pedes proſtrata recumbit,  
 Tutorémque ſuum, ſervatorémque fatetur.  
 Et tibi Neſtoreos votis communibus annos  
 Exoptant hominum omne genus, quos Phœbus  
 Eois

Fluctibus exoriens radiatæ lumine flammæ  
 Spectat, & Heſperias ubi præcipitatur in undas.  
 Quod ſi etiam noſtram admittunt communia muſam  
 Gaudia, vive, precor, longum ſœliciter ævum,  
 Vive,

Vive, diu ut *foelix* te *fofpire* terra *fruat*,  
 Tūque bonis *virtute* tua *potiare* paratis,  
 Nec tibi *quæfitis* subito *abripiare* triumphis,  
 Dulce decus *Batavum*, decus & *Gulielme Britannum*,  
 Anchora firma piis, pavor & *formido* *scelestis*,  
 Præsidium commune bonis, *mundique* voluptas:  
 Atque ubi te *terris* *fatum* *inſuperabile* *rollet*,  
 Terrenum ætherio *mutes* *diademate* *regnum*.

---

FINIS.